



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

LXXXVI. Reinhard Ermsruth verkauft dem Kloster zu Hillersleben
wiederkäuflich Hebungen deselbst, am 25. Oktober 1475.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

LXXXVI. Reinhard Ermsruth verkauft dem Kloster zu Hillersleben wiederkäuflich Gebungen
dajelbst, am 25. October 1475.

Ich Reynhard Ermsruth Bekenne offentlichen mit disen briue vor mich vnd Myne erben, das Ich mit wissen vnd fulbord des Erwürdigsten In gottsgnaden hochgeborenen furstem und herren, herren Johannes, Erzbischoffs zu Madebürg, primaten In Germanien vnd pfalzgrauen bey Rein, herzogen In Beieren, mynes gnedigens, lieben herren, recht vnd redelich vff eynen widerkauff verkofft habe vnde verkouffe slich Inn kraft dieses briues den Wirdigen vnd Geytlichen herren Johannes, Abt, prior vnd Conuente des Closters zü hildesleue vnd iren Nachkommen Eyn Mark geldes dofelbs zcü hildesleue jerlichs czinffes, die Ich von den gnanten mynen gnedigen herren zcü lehne habe, Vnd hab yn dy gegeben Vor fümff vnde vierzig gutten Rinsche gülden, die mir der gnante herre Johannes, Abt, an bereitten gelt betzalet hat, die Ich von ym entphangen hab vnd yn minen nucz vnd frommen gewandt habe. Dyefelbe Marck geldes zü hildesleue czinffes sollen die gnanten herre Johannes, Abt, prior vnd Conuent zcü hildesleue vnd iren nachkomen alle Jar Jerlichen auff sand lucas tag vffheben vnd nemen, vnbekümmert geistlich vnd wertlich gericht vnde ane Intrag vnd geuerde. Vnde ich setze die obgenanten herren abt, prior vnde Conuent zcü hildesleue vnd ire nachkommen, In massen vorgerürth ist, der obgerürter Marg geldis czinffes In eyne gerüchliche vnd habende gewehre, In kraft dieses briues. Vnd die vrogenanten heren Abt, prior vnd Conuent zü hildesleue haben vor sich vnde ire nachkommen mir vnd minen erben die macht gelassen, das wir dy obgemelten Marck geldes czinffes, welchs Jares wir wollen, widerkauffen mogen, Vnd wan wir den widerkauff thün wollen, das sollen vnd wollen wir in ein virteil Jares zu voren verkundigen, Vnd dann uff sente lucas tag nach der verkundigunge nechest vollunge yn die obgedachten fümff vierzig gute Rinsche gulden hauptsumme mit der Marck geldes czinffes dann betagt vnd all andern vorfessen czinffes, ab der was hinderfellig vnde vnbetzalt bliben weren, gutlichen geben vnd betzaless, vnbekumert allir gerichte, geistlich oder wertlich, vnd ane Intrag vnd geuerde; vnd wann yn di betzalung also geschen ist, so sollen sie vnfs der obingeschrieben Marg geldis czinffes wider abtreten vnd disen brieff widder geben, an geuerde. Alle vnd igliche vorgefriben stück vnde Artikele dieses briues rede vnd glabe ich obgenanter Reynharde von Ermsruth vor mich vnd mine erb der obgenanten heren Abt, prior vnde Conuent zü hildesleue vnd iren nachkommen stete vnde vaste vnd vnforbrochene zü haldenn, vnd zü bekenntnis hab ich min ingesigel an dussen breff gehangen. Vnd wir johannes, von gottsgnaden Ertzbischoff zü magdeburg etc., Bekennen aüch offenware mit disen selben brieff, das der obgescriben widerkouff vnde alle vnd igliche vorgefriben stück vnde artikele dieses briues imit vnserm wissen vnd willen geschin sint. Vnde des zcü verkünd haben wir vnfs Ingisigel an disen brieff thün hengen, der geben zcü magdeburg, nach Christi gebürtd Tufent vierhundert, darnach im funff vnd sobenzigsten Jare, An Mittwochenn nach san lucas tag, des heilligenn Ewangelistenn.